

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI

KIKAO CHA NNE

02 FEBRUARI, 2018



ORODHA YA SHUGHULI ZA LEO

MKUTANO WA KUMI

KIKAO CHA NNE – TAREHE 02 FEBRUARI, 2018

I. DUA:

II. HATI ZA KUWASILISHA MEZANI:

MWENYEKITI WA KAMATI YA KUDUMU YA BUNGE YA BAJETI:

Taarifa ya Kamati ya Kudumu ya Bunge ya Bajeti kuhusu Shughuli za Kamati kwa mwaka 2017.

MWENYEKITI WA KAMATI YA BUNGE YA UWEKEZAJI NA MITAJI YA UMMA:

Taarifa ya Kamati ya Kudumu ya Bunge ya Uwekezaji na Mitaji ya Umma kuhusu Shughuli za Kamati kwa mwaka 2017.

MWENYEKITI WA KAMATI YA BUNGE YA VIWANDA, BIASHARA NA MAZINGIRA:

Taarifa ya Kamati ya Kudumu ya Bunge ya Viwanda, Biashara na Mazingira kuhusu Shughuli za Kamati kwa mwaka 2017.

III. MASWALI:

OFISI YA RAIS (TAMISEMI):

40. MHESHIMIWA ZAINAB NUHU MWAMWINDI (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Zahanati ya Kalenga iliyopo kwenye Halmashauri ya Wilaya ya Iringa haikidhi mahitaji halisi ya wakazi wa Vijiji vinavyoizunguka:-

Je, ni lini Serikali itaiboresha Zahanati hiyo kwa kujenga vyumba vya ziada na mahitaji mengine ya msingi.

41. MHESHIMIWA MAFTAHA ABDALLAH NACHUMA (MTWARA MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, kuvunjwa kwa Mamlaka ya Ustawishaji Makao Makuu (CDA) kuna faida gani kwa wakazi wa Dodoma.

WIZARA YA UJENZI, UCHUKUZI NA MAWASILIANO:

42. MHESHIMIWA SELEMANI JUMANNE ZEDI (BUKENE):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya kuanzia Tabora-Mambali-Bukene-Itobo hadi Kahama ni muhimu sana kwa shughuli za kiuchumi kwa Wananchi wa Jimbo la Bukene na barabara hii ipo kwenye Ilani ya Uchaguzi ya CCM:-

Je, ni lini barabara hiyo yenye urefu wa km 149 itaanza kujengwa kwa kiwango cha lami.

43. MHESHIMIWA MAIDA HAMAD ABDALLAH (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Baadhi ya maeneo katika Kisiwa cha Pemba yamekuwa na tatizo la kukosa mawasiliano ya simu kwa mitandao ya Tigo, Airtel na Zantel hali ambayo imekuwa ikisababisha usumbufu:-

Je, Serikali inatoa kauli gani kwa vile tatizo hili ni la muda mrefu.


WIZARA YA MADINI:

44. MHESHIMIWA ESTER ALEXANDER MAHAWA (VITI MAALUM):

Atamuuliza Mheshimiwa Waziri wa Madini:- Madini ya Tanzanite yanachimbwa Mkoani Manyara katika Wilaya ya Simanjiro lakini madini hayo huchakatwa na kuuzwa Mkoani Arusha hali inayosababisha Wananchi wa Manyara kutofaidika kiuchumi:-

(a) Je, ni nini kauli ya Serikali kuhusu kujenga Kiwanda cha kuchakata madini hayo Mkoani Manyara;

(b) Je, ni kiasi gani cha fedha kimeshachangiwa na madini haya katika mapato ya Mkoa wa Manyara.



WIZARA YA MAJI NA UMWAGILIAJI:

45. MHESHIMIWA BALOZI DKT. DIODORUS BUBERWA KAMALA (NKENGE):

Atamuuliza Mheshimiwa Waziri wa Maji na Umwagiliaji:-

(a) Je, ni lini Mradi wa maji ya kutoka Mto Kagera utaanza kuhudumia Wananchi wa Kyaka na Bunazi;

(b) Je, Mradi huo utagharimu kiasi gani cha fedha.

46. MHESHIMIWA SUSAN LIMBWENI KIWANGA (MLIMBA):

Atamuuliza Mheshimiwa Waziri wa Maji na Umwagiliaji:- Jimbo la Mlimba lina Mito mikubwa inayotiririka mwaka mzima kwa miaka mingi lakini Jimbo limekuwa na tatizo kubwa la maji safi na salama:-

(a) Je, ni lini Serikali itatumia uwepo wa Mito hiyo kama fursa ya kuwapatia maji safi na salama Wananchi wa Mlimba hasa Mji Mdogo wa Mlimba;

(b) Je, ni lini Serikali itatumia uwepo wa Mito hiyo kujenga mabwawa kwa ajili ya kilimo cha umwagiliaji.

WIZARA YA FEDHA NA MIPANGO:

47. MHESHIMIWA GIMBI DOTTO MASABA (VITI MAALUM):

Atamuuliza Mheshimiwa Waziri wa Fedha na Mipango:- Zaidi ya 70% ya Watanzania uchumi wao unategemea kilimo:-

Je, kwa nini Serikali isifute ushuru wa matrekta kuanzia matano hadi kumi kwa kila kijiji nchini kwa ajili ya kilimo ili kuwawezesha Wananchi kuondokana na kilimo cha mkono.

48. MHESHIMIWA ENG. RAMO MATALA MAKANI (TUNDURU KASKAZINI):

Atamuuliza Mheshimiwa Waziri wa Fedha na Mipango:-

Je, katika kipindi cha miaka mitano iliyopita ni mazao yapi yaliongoza katika kuchangia Pato la Taifa.

WIZARA YA VIWANDA, BIASHARA NA UWEKEZAJI:

49. MHESHIMIWA CECILIA DANIEL PARESSO (VITI MAALUM):

Atamuuliza Mheshimiwa Waziri wa Viwanda, Biashara na Uwekezaji:- Serikali ya Awamu ya Tano imejipambanua kama Serikali ya Viwanda na kwa kuwa kuna Shirika la Serikali lililoanzishwa kwa ajili ya kuanzisha na kuimarisha Viwanda vidogo vidogo - SIDO:-

(a) Je, ni kwa kiasi gani Serikali imeliwezesha Shirika hilo katika kufikia malengo yake na

malengo ya Serikali ya kuwa na Tanzania ya Viwanda;

(b) Je, Serikali ina mpango gani wa kuhakikisha kuwa Shirika hilo linakuwa na matawi katika kila Wilaya tofauti na sasa kuwa na Ofisi katika ngazi za Mikoa tu.

50. MHESHIMIWA DKT. RASHID MOHAMMED CHUACHUA (MASASI):

Atamuuliza Mheshimiwa Waziri wa Viwanda, Biashara na Uwekezaji:- Serikali imekuwa ikiahidi kusimamia sera ya Viwanda ili Tanzania iwe na uchumi wa kati lakini hakuna jitihada za wazi za kufufua viwanda vya Korosho ili kuongeza thamani ya zao hilo na kutengeneza ajira:-

(a) Je, ni lini Serikali itahakikisha Kiwanda cha Korosho cha Masasi kinafanya kazi;

(b) Kwa kuwa utaratibu wa ununuzi wa Korosho hauruhusu Viwanda kununua Korosho kutoka kwa wakulima; Je, ni lini Serikali itafungua mlango ili kukuza viwanda hivyo ili vipate fursa ya kununua malighafi.

WIZARA YA NISHATI:

51. MHESHIMIWA DKT. HADJI HUSSEIN MPONDA (MALINYI):

Atamuuliza Mheshimiwa Waziri wa Nishati:- Serikali kupitia Shirika la Maendeleo ya Petroli (TPDC) iliingia Mkataba wa utafiti na uchimbaji wa gesi na mafuta na Kampuni ya mafuta ya Swala (SOGTP); katika utekelezaji wa Mkataba huo imegundulika kuwepo kwa wingi mafuta ya petroli na gesi katika Vijiji vya Kipenyo na Mtimbira Wilayani Malinyi katika Mkoa wa Morogoro:-

- (a) Je, ni lini uchimbaji wa visima na uvunaji wa mafuta utanza rasmi katika maeneo hayo;
- (b) Je, Serikali ina mkakati gani wa kuwatayarisha Wananchi wa maeneo hayo ili kuondoa migogoro inayoweza kujitokeza baina yao na Serikali kama ile ya gesi ya Mtwara.

WIZARA YA KATIBA NA SHERIA:

52. MHESHIMIWA STEPHEN HILARY NGONYANI (KOROGWE VIJIJINI):

Atamuuliza Mheshimiwa Waziri wa Katiba na Sheria:- Miongoni mwa Mahakama za Mwanzo ambazo Serikali iliahidi na kuamua kuzijenga ni pamoja na Mahakama ya Mwanzo Mkomazi:-

Je, ni lini Mahakama ya Mwanzo Mkomazi itajengwa.

WIZARA YA KILIMO:

53. MHESHIMIWA RICHARD PHILIP MBOGO (NSIMBO):

Atamuuliza Mheshimiwa Waziri wa Kilimo:- Zao la tumbaku lina tozo nyingi ambazo ni mzigo kwa Wakulima:-

- (a) Je, ni lini Serikali itapunguza tozo hizo;
- (b) Je, kama itapunguza, itaanza kupunguza tozo ngapi.

54. MHESHIMIWA KHADIJA HASSAN ABOUD (VITI MAALUM):

Atamuuliza Mheshimiwa Waziri wa Kilimo:-

Je, Serikali imejipanga vipi kukidhi mahitaji ya viuwadudu kwa Wakulima wa Pamba.

IV. HOJA ZA KAMATI:

MWENYEKITI WA KAMATI YA KUDUMU YA BUNGE YA BAJETI:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Bajeti kuhusu Shughuli za Kamati kwa Mwaka 2017.

MWENYEKITI WA KAMATI YA KUDUMU YA BUNGE YA UWEKEZAJI NA MITAJI YA UMMA:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Uwekezaji na Mitaji ya Umma kuhusu Shughuli za Kamati kwa Mwaka 2017.

MWENYEKITI WA KAMATI YA KUDUMU YA BUNGE YA VIWANDA, BIASHARA NA MAZINGIRA:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Viwanda, Biashara na Mazingira kuhusu Shughuli za Kamati kwa Mwaka 2017.

**DODOMA
02 FEBRUARI, 2018**

**S.N. KAGAIGAI
KATIBU WA BUNGE**